



Број/Број: 04/4-05-1-45/12

Сарајево/Сарајево, 13.6.2012.

Predmet: Izvještaj sa sastanka Generalnog komiteta za kulturu Parlamentarne dimenzije CEI-a: "Autonomija, zaštita manjina i kulturnog naslijeđa kao instrument mira među narodima", Bozen, Italija, 26.-28. aprila 2012.

U Bolzanu je od 26. do 28. aprila 2012. održan sastanak Generalnog komiteta za kulturu Parlamentarne dimenzije CEI-a: „Autonomija, zaštita manjina i kulturnog naslijeđa kao instrument mira među narodima“. Sastanku su prisustvovali predstavnici: Austrije, Bjelorusije, Bosne i Hercegovine, Bugarske, Crne Gore, Hrvatske, Češke Republike, Mađarske, Italije, Poljske, Rumunije, Srbije, Slovačke, Slovenije i Ukrajine.

Kolegiji Predstavničkog doma i Doma naroda Parlamentarne skupštine BiH donijeli su odluku o prisustvu stalne delegacije PSBiH u CEI-u da aktivno učestvuju na zasjedanju Parlamentarne dimenzije Centralnoevropske inicijative, u sastavu : Danijela Martinović, poslanica u Predstavničkom domu PSBiH i članica delegacije PSBiH u CEI-u, Zvonko Jurišić, poslanik u Predstavničkom domu PSBiH i član delegacije PSBiH u CEI-u, i Senaida Bešlić, sekretar delegacije PSBiH u CEI-u.

Sastankom je predsjedavao predsjednik Generalnog komiteta za kulturu senator Oskar Peterlini.

Senator Peterlini je u svom govoru istakao kako su 1994. godine zemlje CEI-a podržale " Instrument CEI-a za zaštitu prava manjina ", politički i pravno neobavezujući sporazum koji utvrđuje bitne principe zaštite manjina. Istakao je da je inicijativu do danas potpisalo 13 država članica CEI-a, i to: Albanija, Austrija, Bosna i Hercegovina, Hrvatska, Mađarska, Italija, Makedonija, Moldavija, Crna Gora, Poljska, Rumunija, Srbija i Slovenija.

Također je rekao da se pitanja koja se odnose na nacionalne manjine mogu riješiti na zadovoljavajući način jedino u okviru istinske demokratske politike

utemeljene na vladavini prava i garantiranju punog poštivanja ljudskih prava i osnovnih sloboda, jednakih prava i statusa za sve građane.

Na sastanku Generalnog komiteta za kulturu u raspravi su, uz domaćina i uvodničara, učestvovalo još 11 predstavnika zemalja učesnica sastanka.

U ime Parlamentarne skupštine BiH svim prisutnim obratila se Danijela Martinović. U svom govoru objasnila je organizaciju BiH i istakla da je BiH Dejtonskim mirovnim sporazumom (Ustav BiH) sastavljena od tri konstitutivna naroda, i to Bošnjaka, Hrvata i Srba i ostalih. Bosna i Hercegovina u svom sastavu pored konstitutivni naroda ima i 17 nacionalnih manjina, gdje su Romi jedna od 17 manjina. Pretpostavlja se da u BiH živi između 30 i 60 hiljada Roma, tačan broj se ne zna, s obzirom da je posljednji popis urađen 1991. godine. Rat koji se desio na prostorima BiH također je uticao na broj stanovnika kao i promjenu demografske strukture u BiH.

Ustavom BiH napravljena je diskriminacija prema nacionalnim manjinama, oni mogu birati ali ne mogu biti i birani u Predsjedništvo BiH kao i u Dom naroda PSBiH. Pokretanjem sudskog postupka Sejdić Finci pred Sudom u Strazburu donesena je odluka o izmjeni Ustava BiH. Danijela Martinović naglasila je da se Romi susreću s velikim problemima, a to su: nezaposlenost, slab pristup obrazovanju, bez socijalnog i zdravstvenog osiguranja, naselja bez građevinskih dozvola, teško dokazivo vlasništvo i drugi.

Bosna i Hercegovina nastoji pomoći ovoj populaciji i u tom smislu učinila je dva značajna koraka za zaštitu njihovih prava. U aprilu 2003. usvojila je Zakon o zaštiti manjina a 2005. dat je amandman na Zakon kojim se definira finasijska podrška nacionalnim manjinama na državnom nivou.

Država je također usvojila i akcioni plan kojim se izdvajaju višemilionska sredstava za stambeno zbrinjavanje (grade se naselja), a novčana sredstva izdvajaju se i na lokalnom nivou.

Na kraju svog govora istakla je da se, pored ovih koraka koje država preduzima, problem nejednakog tretmana jedino može riješiti ustavnim promjenama u BiH.

Izvještaj izradila

Senaida Bešliagić

Izvještaj odobrila

Danijela Martinović